



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԱՆԿՈՒԹՅԱՆ ԴԱՏԱԲԱՆ

Ո Ր Ո Շ ՈՒ Մ

Պարտապանի նկատմամբ գործունեության դադարեցման վարույթ սկսելու մասին



24 հունվարի 2024թ.

ք. Երևան

Հայաստանի Հանրապետության սնանկության դատարանը՝ նախագահությամբ դատավոր Ա. Հովհաննիսյանի, ՀՀ պետական եկամուտների կոմիտեի դիմումը՝ անհատ ձեռնարկատեր Մարատ Գազիկի Սեկոյանին սնանկ ճանաչելու պահանջի մասին, սնանկության գործով պարտապանի նկատմամբ գործունեության դադարեցման վարույթ սկսելու հարցը,

Պ Ա Ր Զ Ե Ց

Հայաստանի Հանրապետության սնանկության դատարանի 05.06.2023թ-ի վճռով անհատ ձեռնարկատեր Մարատ Գազիկի Սեկոյանը ճանաչվել է սնանկ:

Հայաստանի Հանրապետության սնանկության դատարանի 12.06.2023թ-ի որոշմամբ պարտապանի սնանկության գործով կառավարիչ է նշանակվել Վահագն Դավթյանը:

Անհատ ձեռնարկատեր Մարատ Գազիկի Սեկոյանի սնանկության գործով կառավարիչ Վահագն Դավթյանը միջնորդություն է ներկայացրել դատարան, հայտնելով, որ սահմանված ժամկետում իրավասու անձանց կողմից ֆինանսական առողջացման ծրագիր չի ներկայացվել և, ղեկավարվելով «Սնանկության մասին» ՀՀ օրենքի 70 հոդվածով, խնդրել է անհատ ձեռնարկատեր Մարատ Գազիկի Սեկոյանի նկատմամբ սկսել գործունեության դադարեցման վարույթ:

Ուսումնասիրելով անհատ ձեռնարկատեր Մարատ Գազիկի Սեկոյանի սնանկության գործով նյութերը, կառավարչի միջնորդությունը, գտնում եմ, որ այն հիմնավոր է և ենթակա բավարարման հետևյալ պատճառաբանությամբ:

ՀՀ քաղաքացիական օրենսգրքի 67 հոդվածի 4-րդ կետի համաձայն՝ իրավաբանական անձը լուծարվում է նաև սնանկության հետևանքով:

«Սնանկության մասին» ՀՀ օրենքի 70-րդ հոդվածի առաջին մասի համաձայն՝ սույն օրենքով սահմանված ժամկետում ֆինանսական առողջացման ծրագիր չներկայացվելու, ներկայացված ծրագրի հաստատումը մերժվելու, ֆինանսական առողջացման ծրագիրը վաղաժամկետ դադարեցվելու, ֆինանսական առողջացման ծրագրի կատարման մասին կառավարչի հաշվետվության հաստատումը մերժվելու

դեպքում դատարանը որոշում է կայացնում պարտապան իրավաբանական անձի լուծարման կամ պարտապան անհատ ձեռնարկատիրոջ գործունեության դադարեցման վարույթ սկսելու մասին (այսուհետ՝ պարտապանի լուծարում):

«Սնանկության մասին» ՀՀ օրենքի 60-րդ հոդվածի 2-րդ մասի համաձայն՝ ֆինանսական առողջացման ծրագիրը պետք է ներկայացվի մինչև առաջին ժողովը: Ֆինանսական առողջացման ծրագիր ներկայացնելու իրավունք ունեցող անձի միջնորդությամբ դատարանը կարող է երկարաձգել ծրագրի ներկայացման ժամկետը ևս 30 օրով:

Տվյալ դեպքում, անհատ ձեռնարկատեր Մարատ Գազիկի Սեկոյանին սնանկ ճանաչելուց հետո «Սնանկության մասին» ՀՀ օրենքի 60 հոդվածում նշված անձանց կողմից ֆինանսական առողջացման ծրագիր չի ներկայացվել, և նույն օրենքի 60 հոդվածի 2-րդ մասով նախատեսված նման ծրագիր ներկայացնելու ժամկետը լրացել է:

Համաձայն «Սնանկության մասին» ՀՀ օրենքի 19-րդ հոդվածի առաջին մասի է/ և ը/ կետերի՝ պարտապանին սնանկ ճանաչելու մասին վճիռն օրինական ուժի մեջ մտնելուց հետո դատարանը .

է) պարտապանին լուծարելու մասին որոշում կայացնելու պահից անհապաղ որոշում է կայացնում պարտապանի գույքը տնօրինելու և կառավարելու իրավունքները կասեցնելու մասին.

ը) արգելանք է դնում պարտապանին պատկանող գույքի և դրամական միջոցների վրա, բացառությամբ «Վճարահաշվարկային համակարգերի և վճարահաշվարկային կազմակերպությունների մասին» Հայաստանի Հանրապետության օրենքով նախատեսված դեպքերի:

Համաձայն «Սնանկության մասին» ՀՀ օրենքի 71-րդ հոդվածի առաջին մասի.

Եթե դատարանը կայացրել է պարտապանին լուծարելու մասին որոշում, ապա գույքը կառավարելու կամ տնօրինելու՝ պարտապանի բոլոր իրավունքները կասեցվում են դատարանի որոշմամբ:

Նույն օրենքի 72-րդ հոդվածի առաջին մասի համաձայն՝ դատավորի կողմից պարտապանի լուծարման վերաբերյալ որոշումը կայացնելուց հետո՝ 7 օրվա ընթացքում, կառավարիչը դատարանի որոշման հիման վրա արգելադրում է պարտապանին սեփականության իրավունքով պատկանող գույքը, բացառությամբ այն գույքի, որի վրա, Հայաստանի Հանրապետության օրենսդրության համաձայն, բռնագանձում չի կարող տարածվել:

Ելնելով վերոգրյալից, ղեկավարվելով ՀՀ քաղաքացիական օրենսգրքի 67 հոդվածի 4-րդ կետով, «Սնանկության մասին» ՀՀ օրենքի 19-րդ հոդվածի առաջին մասի է/ և ը/ կետերով, 70-72-րդ հոդվածներով ՀՀ քաղաքացիական դատավարության օրենսգրքի 199-րդ, 200-րդ հոդվածներով.

Ո Ր Ո Շ Ե Ց

1. Սկսել անհատ ձեռնարկատեր Մարատ Գազիկի Սեկոյանի նկատմամբ գործունեության դադարեցման վարույթ:



2. Հանձնարարել իրավաբանական անձանց պետական գրանցում իրականացնող պետական մարմնին՝ օրենքով սահմանված կարգով կատարելու համապատասխան գրառում իրավաբանական անձանց պետական գրանցամատյանում:

3. Հանձնարարել սնանկության գործով կառավարիչ Վահագն Դավթյանին

ա) 5 օրվա ընթացքում պարտապանի լուծարման մասին որոշումը հրապարակել <http://www.azdarar.am> հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային կայքում:

բ) 7 օրվա ընթացքում արգելադրել անհատ ձեռնարկատեր Մարատ Գազիկի Սեկոյանին սեփականության իրավունքով պատկանող գույքը, բացառությամբ այն գույքի, որի վրա, ՀՀ օրենսդրության համաձայն, բռնագանձում չի կարող տարածվել:

4. Կասեցնել անհատ ձեռնարկատեր Մարատ Գազիկի Սեկոյանի գործունեությունը. գույքը կառավարելու և տնօրինելու պարտապանի բոլոր իրավունքները:

ԴԱՏԱՎՈՐ


Մ. ՀՈՎՀԱՆԻՍՅԱՆ



